

կաթողիկոսն... (1665)(12)։ Մարտիրոս Կաֆացի կը յորդորէ կաթողիկոսը որ միասին Կ. Պոլիս երթան։ Սակայն Յակոբ Զուղայեցի աւելի յարմար կը դատէ որ նախ Մարտիրոս Եպիսկոպոսն երթայ և աշխատի ի սպաս էջմիածնի Աթոռին, մինչ ինք շրջաբերական նամակներով ժողովուրդն զգուշացնէ Եղիազարէն։

Մարտիրոս Կաֆացի Կ. Պոլսոյ մէջ գլուխ կը կանգնի բոլոր շարժումներուն ընդդէմ Եղիազարի և Եղիազարեաններու ի պաշտպանութիւն Յակոբ Զուղայեցիի կաթողիկոսական իրաւունքներուն։ Սակայն Եղիազար Փիլիպպէ հասնելով, Ապրոյ Զելեպիի միջոցաւ կը ներկայանայ Մեծ Եպարքոսին, և հակառակ Մարտիրոս Կաֆացիի և ուրիշներու ամբաստանութեանց կը յաջողի դարձեալ հաստատել տալ իր կաթողիկոսութիւնը։ Մեծ Վեզիրը կը հաստատէ նաեւ Աստուածատուրի Պատրիարքութիւնը Երուսաղէմի Աթոռին վրայ, և Յովհաննէս Թիւթիւճիի Պատրիարքութիւնը Կ. Պոլսոյ Աթոռին վրայ ընդդէմ Սարգիս Վ. Թեքիրաղցիի, որ ի զուր ջանացած էր համակրանքը շահիլ Եղիազարի (13)։

(12) Զաւարիա, անգ, հաս. Բ. էջ 72—73։

(13) Ազգապ. Բ. 2557—2562։ Դիւան Ս. Յակոբայ. Սիոն, Նոր Շրջան, է. Տարի, 1933, Սեպտ. քիւ 9, էջ 284—285, Էւ Զ. Տարի, 1934, Ապրիլ, քիւ 4, էջ 124։